

CHARTA

Qua Godefridus quondam Lingonensis episcopus, Wichardus Pontiniacensis et Gaufridus Clarævallensis, abbates, controversiam inter Alanum Antissiodorensem et comitem Nivernensem ortam componunt.

(Anno 1164.)

(*Gallia Christiana nova*, t. XII, Instrum., col. 127.)

Ego GODEFREDUS, episcopus quondam Lingonensis, notum fieri volo tam presentibus et futuris, quod de quibusdam querelis quæ inter dominum Alanum venerabilem episcopum Antissiodorensem, et Willelmum illustrem comitem Nivernensem agitabantur, auxiliante Deo, per manum nostram et Wichardi Pontiniacensis, et Gaufridi Clarævallis abbatum, de jure et consuetudinibus prædictorum episcopi videlicet et comitis inquisita diligentius veritate, tali modo amicabile facta est compositio. Salva igitur in primis, et approbata charta quam inter prædecessorem hujus dominum Hugonem episcopum et avum istius comitis, comitem scilicet et de Carthusia sanctæ memoriæ, Bernardus Clarævallis abbas composuit, statutum est a nobis, ut quidquid in ea diffinitum est, et ipsorum sigillis firmatum, ratum habeatur, et tam ab episcopo quam a comite cunctis diebus inviolabiliter observetur. Igitur de terra mercati quæ tam episcopi quam comitis communis est, cognitum est, quia neutri eorum eam dare alicui, vel aliquid ibi facere sine assensu alterius licet, excepto quod comes in ea stalla concedere solis cambiatoribus potest, tantummodo ad cambiandum, quæ tamen ab eis ad alios usus transferri non possunt: ita duntaxat, ut si pretium exinde comes habuerit, episcopus medietatem habeat, de theloneo quod episcopus et vicecomes accipiunt, ministeriales comitis nihil se intromittere habeant. Terra quæ Kalende Maii appellatur liquet quia episcopi est: unde comes nihil ibi facere habet, et quod in ea construxerat ædificium cadat. Similiter domus juxta pontem, quia cognitum est et manifestum constructam eam esse super aquam quæ a ponte inferius, juris episcopi est, cadat. Equitaturas hominum episcopi, vel ec-

clesiarum ministerialibus comitis capere ad aliquid faciendum, vel alicubi mittendum non licet, sed et pro munitionibus faciendis, vel reficiendis nihil ab hominibus episcopi, vel ecclesiarum est exigendum. Aliquoties homines episcopi apud ministeriales comitis conqueruntur, et eis justitiam facere nolunt, nisi pro ipsis se justitient, etiam hi quidem non debent nisi de mercato viventes, unde manifestum est quia ideo non est eis justitia subtrahenda seu neganda. Præterea contingere solebat quod homines comitis hominibus episcopi sua credebant, et cum non possent credita rehabere, propter hoc res aliorum hominum episcopi capiebant, quod dictum est omnino fieri non debere; creditæ enim a nullo nisi ab eo cui sunt creditæ, sunt requirendæ. Recognitum est præterea quod in feodatis servientibus quos episcopus habet Antissiodori, vel alibi etiam de mercato vivant, comes nullam omnino in foro, aut alio in loco pro atquo forisfacto, nisi per episcopum habet justitiam seu potestatem. Ut igitur præscripta compositio rata et inconcussa perpetuo maneat, episcopi, comitis et nostro sigillo eam confirmavimus, notatis testibus qui nobiscum præsentibus interfuerunt. Henricus venerabilis Trecentis episcopus et Girardus ejusdem archidiaconus, Guido Antissiodorensis præpositus, Willelmus decanus, Stephanus cantor, Stephanus cellarius, Garnerius senescallus, Stephanus de Petrapertusa milites, Stephanus episcopi præpositus, Raaudus, burgenses Antissiodorenses.

Actum anno ab Incarnatione Domini 1164. regnante Ludovico Francorum rege Christianissimo.

DIPLOMATA ALANI.

(*Gallia Christiana nova*, XII, Instrum., col. 126 et seqq.)

I.

Charta Alani episcopi pro Monasterio S. Mariani. In nomine sanctæ et individuæ Trinitatis. Ego

D ALANUS Antissiodorensis episcopus. Quoniam certum est episcopum Christi vicarium esse, ejusdem Christi pauperum debet necessitatibus subvenire.

Eapropter prædecessor noster Hugo Antissiodorensis episcopus plurima largitus est canonicis regulis Præmonstratensis ordinis, quos zelo religionis succensos apud Antissiodorum in ecclesia S. Mariani ibidem Deo servituros instituit. Si quidem donavit eis prænominatam ecclesiam S. Mariani, cum quibusdam eidem ecclesiæ appendentibus vineis, ecclesiam S. Martini, ecclesiam S. Salvii, et sedem molendini super Belcham fluvium, cum terra et censu pertinentibus ad molendinum. Donavit etiam eis ecclesiam B. Mariæ in suburbio sitam, cum censibus et vineis, terris, decimis, pratis, servis et ancillis, et omnibus appendentibus prope Longepositis, et præbendam integram in Ecclesia S. Stephani. Hæc omnia canonici de manu episcopi accipientes, ea tamen seu simplicitate, seu nimia donantis confidentia sigillò episcopali non confirmantes, nunc a nobis deponunt ista confirmari. Ne igitur de his aliquam in futurum sustineant calumniam, ipsa eadem quæ donavit, assensu et concessione totius capituli Sancti Stephani, et precibus Willelmi comitis Nivernensis, postea Carthusiæ conversi, non etiam laudante ipso capitulo, donamus : quibus etiam donis, ex episcopali benignitate, ecclesiam de Tangiaco donantes adjungimus : et ut rata, inconvulsaque eis permaneant, conscribi, sigillorumque, nostri videlicet et communis capituli S. Stephani caracteribus fecimus consignari.

Actum est hoc anno ab Incarnatione Domini 1163.

II.

S. Amatoris prioratus S. Satyri Bituricensis monasterio unitur.

Ad episcopalis officii discretionem pertinet loca religiosa non solum tutari et conservare, verum etiam ipsam religionem in meliorem statum promoveri. Inde est quod ego ALANUS Dei gratia Antissiodorensis dictus episcopus, ecclesiam B. Amatoris ex officio mihi injuncto et apostolicæ auctoritatis mandato, cum illis possessionibus, quas canonici regulares tunc tenebant, ecclesiæ S. Satyri in perpetuum concedo, salvis institutionibus quæ sunt inter ecclesiam S. Amatoris et B. Stephani, et ea conditione ut per episcopum prior ibi de domo illa constituatur, et ibidem juxta consuetudinem et disciplinam prænominatæ ecclesiæ vivat, et cum suis

A fratribus, adjuvante gratia Domini, ordinem B. Augustini teneat, et cum fuerit constitutus nisi per episcopum amoveatur. Ne qua vero deinceps inter episcopum et canonicos controversiæ oriatur occasio, constitutum est meo et eorum assensu, ut de vineis episcopi in quibus canonici decimam requirebant, episcopus singulis annis duodecim modios vini persolvat, decem de rubeo et duos de albo. In terra vero quæ Cunemine dicitur, episcopi quoties culta fuerit, canonici decimam habeant. Facta est autem hæc constitutio in octavis B. Stephani in capitulo Antissiodorensi Guidone præposito, Rainaudo archidiacono, Rodulpho thesaurario, Stephano cantore præsentibus et assistentibus, sub assensu etiam totius capituli, anno ab Incarnatione Domini 1163, domino Alexandro III summo pontifice, Ludovico rege Francorum, Willelmo juniore comite Nivernensi.

III.

Alanus monachis Donziaci confirmat ecclesias quasdam.

Ego ALANUS Dei gratia Antissiodorensis episcopus, notum fieri volò præsentibus et futuris, quod bonæ memoriæ Hugo episcopus Antissiodorensis, assumptus in episcopum de ecclesia S. Germani Antissiodorensis cui multo præfuit, S. Mariæ Donziaci et monachis ibidem Domino famulantibus ecclesiam S. Vincentii de Pogniaco et ecclesiam S. Peregrini de Boiaco donavit. Deinde tempore meo orta contentione de præsentatione presbyteri de Boiaco, virorum probabilium testimoniis super hoc susceptis, vestigiis illius sancti viri inhærens, donum illud de ecclesia de Pogniaco et de ecclesia de Boiaco factum confirmavi cum præsentatione presbyteri, salvo jure episcopali, retenta illa parte decimarum quæ juris Ecclesiæ Antissiodorensis erat tempore Hugonis episcopi Antissiodorensis assumpti in episcopum de ecclesia Pontiniacensi, et illa parte census quam Benedictus presbyter habebat. Hujus rei testes sunt Rainardus abbas Boni Radii, Mauricius prior de Donziaco, cujus tempore hoc factum fuit, Stephanus cellerarius, Rainaudus canonici Antissiodorenses, Arnaudus et Gaufridus monachi de Donziaco, Arnaudus præpositus et Willelmus canis putidus.

Actum anno ab Incarnatione Domini 1164.

TESTAMENTUM ALANI.

(*Gallia Christiana nova*, t. XII, c. 136.)

Quod de consilio et voluntate capituli nostri factum et confirmatum est, ut nullatenus infirmetur, fidei committimus litterarum, ut certum habeant et ratum posteris quod exaratum est in præsentis. Ea-

propter ego dictus abbas de Ripatorio, ad præsentium et posterorum notitiam scripturam relinquo quod venerabilis dominus Alanus quondam Antissiodorensis episcopus, ne quid de bonis quæ habet-